

元始无量度人上品妙經卷之四十九

消除病癘跛痾品

道言昔於太安天中遙響風歌太和樂土受元始度人消除病癘跛痾无量妙品元始天尊當說是經周迴十過以召十方始當詣座天醫大神上聖高尊普濟真人通治童子无鞅數眾乘空而來飛光積霄彤輪華蓋花雲覆蔭明霞舞輝天錦交漫洞映太空五日五夜諸天幽寶嵌巖普皆大明星璣月館晝夜停輪神風倚煙靈香拂雲天無飄翳六虛洞清一國地土山川林木砥平齊等无復高下土皆紺碧无有異色眾真侍座元始天尊立坐空浮五色晶明寶座之上說經一徧諸天大聖同時稱

道藏輯要

度人妙經

率

九集三

善是時一國男女身報爲病漸獲開爽說經二徧聾者耳聰盲者目明暗者能言說經三徧枯羸沈瘵充澤豐平說經四徧積逮注傳不及于門說經五徧跛痾萎墮皆能起行說經六徧鬼癘消除正氣流通說經七徧老者反壯少者皆強說經八徧軀體病除法身怡悅說經九徧消除病癘跛痾輕安悟病皆妄本非真有返照回光则无痛楚起滅悉從假幻既識道本病從何來說經十徧面流紫華身有玉明魔疾普消神氣合道是時一國是男是女莫不傾心皆受護度咸得長生

道言是時元始天尊說經一徧東方无極无量品候氣大神无鞅之眾浮空而至說經二徧南方无極无量品持運大神无鞅

之眾浮空而至說經三徧西方无極无量品司年大神无鞅之眾浮空而至說經四徧北方无極无量品定命大神无鞅之眾浮空而至說經五徧東北无極无量品鬼主大神无鞅之眾浮空而至說經六徧東南无極无量品行病大神无鞅之眾浮空而至說經七徧西南无極无量品卻癘大神无鞅之眾浮空而至說經八徧西北无極无量品八風大神无鞅之眾浮空而至說經九徧上方无極无量品天醫大神无鞅之眾浮空而至說經十徧下方无極无量品除病大神无鞅之眾浮空而至十徧周竟十方无極天醫普濟大神一時同至一國男女傾心歸仰謂言我等元以福報得生天上非如人間父母精血濁穢之形

道藏輯要

度人妙經

至

九集三  
人人人

復有何病是故思惟神氣雖明化生融結而我心想習染尚籠身中妄生疾病痛苦未除譬如世人夢中飲食寒温起居一如平時夢中之身與今處世父母所生實无有異乃至夢身中疾病痛癢悲歡亦復同狀无有殊別故今身中猶當有此病癘跛痾當詣天尊以求除瘥咸各恭敬願禮道前來者有如細雨密霧无鞅之眾進國一半土皆徧陷非可禁止於是元始知如是等眾獲果天人猶有病癘跛痾等相何況世間胎化濕感七十二類无量眾生甯免斯苦我以慈悲說是妙經消除眾患眾患欲除无法藥法藥之妙莫越神丹卽運紫光明如寶焰聚五輪手法自九色離羅萬寶星雲玉錦之帔內出神丸化成寶珠

大如黍米在空玄之中去地五丈元始登引天醫大神上聖高  
尊普濟真人十方无極除病大神无鞅數眾俱入寶珠之中天  
人仰看惟見勃勃從珠口中入既入珠口不知所在國人廓散  
地還平正无復歆陷元始卽於寶珠之內說經都竟眾真監度  
以授於我當此之時喜慶難言法事粗悉諸天復位倏歛之間  
寂無遺響是時天人遇值經法普得濟度全其本年无有中傷  
傾土歸仰咸行善心不疑不妄不淫不貪不欲不喜不怒不暗  
不邪不狂言務忠信口无疾聲齊同慈愛異骨成親國安民豐  
欣樂太平經始出教一國以道預有至心宗奉禮敬皆得度世  
道言元始天尊說經中所言並是諸天上帝內名隱韻之音亦

道藏輯要

度人妙經

卷

九集三  
六八八

是真王內諱消除病癘起行跛痾百靈救疾攝邪之隱名也非  
世之常辭上聖已成真人出離五種病癘廣大法身純陽光明  
能隱能顯顯則普現十方隱則聖真莫測世病法病並已消殞  
通玄究微能悉其章誦之十過諸天遙唱萬帝設禮內境澄瑩  
峩山靡平病癘痊復跛痺全甯身獄不傾日月同明羣魔束形  
鬼精滅爽回生起痼朽質成人至學之士誦之十過則五藏生  
華膽腦堅真百神守體癘鬼喪睛濟度垂死繼而得生所以爾  
者學士穢氣未消體未洞真以制十方威未制天政德可漸杜  
世患甦決沈苦而已不能更生輕誦此章身則被殃供養尊禮  
病癘消除緩跛健行世世昌熾與善因緣萬災不干神明護門

斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到病癘眾生痛苦消除跛痾久疾舉用完健邪氣无干百脉受靈一身萬神永不去身身无疾疢自然長生億曾萬祖幽魂苦爽皆即受度上昇朱官格皆九年受化更生得爲貴人而好學至經功滿德就皆得神仙飛昇金闕遊宴玉京也以經法神護消除病癘跛痾澤惠兆民生類安逸疾痛莫干上帝遐觀報兆真名上學之士修誦是經道備羣倫病災拂除癘邪不與跛癩登舉宿痾更蠲皆即受度上昇朱官世人受誦因病自安瘦穢津落靈秀通玄則延壽長年後皆

道藏輯要

度人妙經

卷

九集三

得作尸解之道魂神暫滅不經地獄即得返形遊行太空此經微妙普度无窮一切天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役三官侍經五帝玉童玉女各二十四人營衛神文保護受經者身

道言正月長齋誦詠是經消除痾病積歲纏綿世藥不治鬼神異氣遘爲癘病工所不曉或智或癡或生或死傳習先代冢注爲殃鬼氣崇物相呼附著爲上世亡魂斷地逮役度上南宮七月長齋誦詠是經消除金旺剋木筋落受邪或因土木或因葬空刑害之氣注及肢體手足不理跛癩不行沈冥宿痾上關天

律考在斗宮訟連陰府者使各完固不有傷絕身得神仙諸天書名黃籙白簡削死上生十月長齋誦詠是經徧爲生民消除病癘風傷勞疾痼瘕瘧寒熱伏留泉魁腫汗水注咳逆種種怪病普使和捐致國王帝主君臣父子安鎮國祚保天長存世世不絕常爲人君安鎮其方民稱太平八節之日誦詠是經消解八風邪氣毒病得爲九宮真人本命之日誦詠是經萬疾消蕩鬼癘无侵魂神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐綠紫青三

道藏輯要

度人妙經

齋

九集三

色雲氣之中內外翳冥有青龍白虎朱雀立武獅子白鶴羅列左右日月照明洞煥室內天醫尚童砭石小吏咸在前後項生圓象光映十方如此分明密呪曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啟所言今日吉慶長齋清堂修行至經无量度人願所啟上徹徑御无上三十二天元始上帝至尊几前

引炁三十二過東向誦經

元始无量度人上品妙經

元始洞玄靈寶本章消除病癘跛痾安化度人百魔隱韻離合自然道爲法身太虛生神神寂无形无无上真元始祖劫化生諸天天降地騰陰陽生人人爲胎種病癘因緣考謫跛痾積逮因連採食三景命固天根病癘既蕩神氣爲鄰玄悟成仙舉意飛神上无復祖惟道爲身五文開廓普植神靈无文不光无文不明无文不立无文不成无文不度无文不生是爲大梵天中之天鬱羅蕭臺玉山上京上極无上大羅玉清九品仙聖爲自然人身病法病普得安甯未證大乘病癘所縈鍊身爲氣鍊氣爲神神合太无若亡若存三華離便大有妙庭金闕玉房森羅

道藏輯要

度人妙經

卷

九集三

淨靈大正道氣周回十方中有度人病癘跛痾之神中有南極長生大帝君中有度世司馬大神中有好生韓君丈人中有南上司命司錄延壽益算度厄尊神回骸起死无量度人今日校錄諸天臨軒

東方无極消除病厄神王長生大聖无量度人  
南方无極消除邪癘神王長生大聖无量度人  
西方无極消除偏跛神王長生大聖无量度人  
北方无極消除纏痾神王長生大聖无量度人  
東北无極消除世疾神王長生大聖无量度人  
東南无極消除注氣神王長生大聖无量度人

西南无極消除考察神王長生大聖无量度人  
西北无極消除宿報神王長生大聖无量度人  
上方无極消除見病神王長生大聖无量度人  
下方无極消除意病神王長生大聖无量度人  
十方无極消除病癘跛痾神王長生度世无量大神並乘奔雲  
迅電赤鳳科車營從天仙靈官將吏侍直神司驂駕大獸天鹿  
夔龍絳節瑤旌瓊干翠羽前嘯吳嘯同嘯後吹筠篥同鳴吟僊  
飛籟嘯歌嚙嚙天丁啟途青髻翼轅億乘萬騎淨空而來傾光  
回駕除痾度生諸天丞相南昌上官韓司主錄監生大神執籙  
把籍齊到帝前隨所應度嚴校諸天普告三界无極神鄉泉曲

道藏輯要

度人妙經

卷

亢集三

之府北都羅酆三官九府十二河源上解尸注冢訟積逮世傳  
病瘠鬼癘故氣跛癡宿業纏痾及以祖考億劫種親疾除罪簿  
落滅惡根不得拘留逼合鬼羣元始符命時刻昇遷北都寒池  
部衛形魂制魔保舉度品南宮死魂受鍊仙化成人身受度  
劫劫長存隨劫輪轉與天齊年永度三災九厄八難超凌三界  
逍遙上清上清之天天帝洞淵无色之境梵行

東方八天

太安順陽天

帝景闡立仁

至无化神天

帝玉都求輪

靜華初元天

帝樂真輔仙

覺昭情微天

帝廣穹良奔

序止陰夷天

帝部圭土畦

落具澄炎天

帝斗布紫昆

貴亭瀘河天

帝除患慈英

浪絕妙圃天

帝曉因祕巫

南方八天

碣城寶真天

帝仇卑振篁

寥居信靈天

帝爻霞總祥

辨宗虛攸天

帝極真途

騫揚寶區天

帝輔觀盈珠

道藏輯要

度人妙經

卷

九集

香泮赤和天

帝變丁匪邦

亮部求玄天

帝古定梵康

主延无童天

帝空基民宣

仙房校籍天

帝閱都賢昌

西方八天

考勝逕靈天

帝嶽傳至文

咸興遞迎天

帝關巴罔欵

鬱珠達想天

帝召冥履元

屏栖烈廣天

帝度命微冲

璐真確濟天

帝眇仙儔



輪預逆游天

帝智修龍

液度司夕天

帝被曦光旋

緣史洞綿天

帝道嚴阮通

北方八天

泝達紫垣天

帝治冥信方

曠倚遵宜天

帝端究精臚

洞慈慶周天

帝露進璣回

頌咸褒聖天

帝衷邱繫瑞

太始至念天

帝稟卿徐韋

光梵九名天

帝實幾鄰

道藏輯要

度人妙經

彙

九集三

應象徐盈天

帝蒙符靜康

畢堂六輪天

帝演巴就剛

三十二天三十二帝諸天隱諱諸天隱名天中空洞除病靈章

諸天隱韻天中靈音天醫之尊天藥靈神主病靈魔生神之靈

九變七轉飛昇太清无量之奧深不可詳起癘回年普度天人

今日欣慶受度歷關諸天請滅跛痲斬絕注根飛度六尸命延

太玄司命檢錄氣隆天門東斗斷傳西斗殺蠱北斗縛鬼南斗

療痲中斗大魁五臟之精消除病痛總監眾靈青帝護魂白帝

侍魄赤帝養氣黑帝通血黃帝操藥扶廢續絕中主太和萬神

无越青方魔王温癘春行赤方魔王陽毒發煙白方魔王偏廢

委跛黑方魔王沈痾厯涇黃方魔王腫痞狐缺五方大魔行病  
元凶隨運出入與時迎逢初下崑崙携駕毒龍統領惡鬼遊觀  
域中屠害生民誅惡不容上宮符告收攝姦妖真王降世殄滅  
殃殄神池紫雲天馬玉韁電獸吐火巨龜出黃五酉仗旛走馬  
飛光玄蟒千丈鬼車百箱朱旗橫天雷奔雨滂敢有干試誅斬  
爲當玄鉞前戮赤刃後刑消除病癘人道安甯風火交發跨斗  
乘星魔无干犯鬼无祆精三官北酆明檢鬼營不得容隱金馬  
驛呈普告无窮萬神咸聽三界五帝列言上清

洞皇玉極隆漢延康眇眇曠寂混沌環剛上无見色下无見淵  
風空運虛金精凝天天上天下无幽无冥无形无影无極无窮

道藏輯要

度人妙經

卷

九集三

溟滓大梵寥廓无光赤明開圖運度自然元始安鎮敷落五篇  
赤書玉字八威龍文保制劫運使天長存下比人身大小混淪  
六腑九臟自然赤文風空天淵九一變分合道無病跛痾不生  
鬼癘除滅長生神仙絡膜谿谷梵氣彌羅玄府骨竅萬範開張  
脉如元網蟠結流行輪轉一體周回九門二十四真總御三關  
中爲天樞前爲廣明列布宮室後爲至陰陰抱陽交總氣上元  
八景冥合氣入立玄玄中太皇上帝高真泛景太霄吟詠玉章  
金真啟元流響雲營玉音攝氣靈風聚煙紫虛鬱秀輔翼萬仙  
千和萬合自然成真穢結解散病癘不行跛步輕奔壞痾蕩擯  
和合育真真中有神長生大君无英公子洞陽之靈白元尊神

靜湛而明太一守房司命振鈴桃康攝邪合延運精執符把籙  
保濟生根飛升上清遊宴瓊宮碧羅之內混黃之中上騰下降  
玄華泥丸植立萬毛集鍊百神絳闕龍泉統御要津尸注速滅  
宿痕摧消總理五氣混合八瓊十轉回靈易骨變形六周甲子  
萬氣齊仙仙道貴生无量度人上開八門飛天法輪罪福禁戒  
宿命因緣普受開度死魂生身身得受生上聞諸天諸天之上  
各有生門中有空洞謠歌之章真王靈篇辭參高真

第一天醫大神拂魔除病飛空之音

熒熒五色

維此神丸

爲世凡夫

百病孔艱

寃憤幽憂

日殞殊顏

道藏輯要

度人妙經

李

亢集三

繼緣著境

神志不安

寒比冰烈

熱極火然

命等風燈

沈冥永歎

我施大慈

悟爾瘡痍

絳宮既平

照映億千

虛明無礙

徹地通天

玉帝聳觀

羣仙列言

度爾證仙公

萬氣常調完

病從緣業生

魂遊役鬼官

徒令爾親徒

悲苦垂辛酸

不知道死形

輪轉生死間

見道守虛無

飛神玉京山

爾時上智慧

邪試當死干

第二普濟真人勅誡鬼疇之章

夔龍蒼甲

十丈銅鬚

日食萬鬼

邪癘无餘

瘟毒喪睛

幽爽急驅

召集都天

神吏斬誅

按籍考追

九嶽崎嶇

爾何老氣

假形妄謀

入人血脉

塞彼神廬

使氣不行

尸鬼爲徒

夢想所通

意感陰靈

變其形服

干亂黃房

爾不自悟

坐與物矜

名書北鄴

報對无停

何不栖山林

思真道自成

吾行紫煙中

救苦居黃庭

道藏輯要

度人妙經

卷

九集三

第三長生大聖振拔跛痾歌曰

千尋碧山

萬旗飛火

虎邱控弦

河侯鼓拖

大神騁雲

星流雷過

俯視阿人

起而復墮

邪注骨萎

筋癱家禍

敗風廢手足

賊鬼成曳鞿

不知宿業因

真心泪流塵

貪嗔信癡緣

殺命祭鬼神

死入玄沙牢

億載豈得伸

爾當悟道奧

妙玄生爾神

自然无死生

永爲上清人

逍遙學无爲

至陽續窮薪

此三界之上飛空之中真王歌音音參洞章誦之百遍疾病永

消誦之千徧緣習亦除萬徧道成普度一切飛昇太空超出三界位登仙公有聞靈音萬魔束形勅制地祇侍衛送迎拔出地戶五苦八難七祖昇遷永離鬼官魂度朱陵受鍊更生是謂无量普度無窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈仙真除病癘起跛痲明本真元先天不動無有變遷疾病之報皆由業緣展轉結習氣從而化故有呻吟痛楚如是等類鍊神洞虛億劫長久不入流轉體證真人無有生死隱祕之音皆是大梵之言非世上常辭言無韻麗曲無華宛故謂玄奧難可尋詳上天所寶祕於神霄真道藏輯要

度人妙經

卷

九集三

王上宮依元劫三萬八千年應運下傳若有至人齋金寶質心依舊格告盟三天然後而付焉

道言夫天地病癘則爲震擗陷拆水旱風雹運度否終日月五星病癘則爲陵犯薄蝕虧盈至聖神人雖捨病緣無世跛患亦有休否隱顯隨運興衰末學之夫亦有疾傷凡有此災同氣皆當齊心修齋六時行香十徧轉經福德立降消諸不祥無量之文普度無窮

道言夫末學道淺或仙品未充病癘所縈跛履痲瘵使真念退悔謂道無靈同學至人爲其行香誦經十過以度病癘如法則神氣流行上下升降真性開悟疾恙消解隨其學功計日而得

生理壽齡延永便得神仙

道言夫天地運終星宿錯度日月失昏四時失度陰陽不調國境有災疾癘四起疫毒流行兆民死傷師友誤履淹衝致身疾痛皆當修齋行香誦經夫齋戒誦經功德甚重上消天災保安邦國下禳毒害以度兆民生死受賴其福難勝故曰无量普度天人

道藏輯要

度人妙經

卷

抗集三

諸天中大梵隱語无量音 微弟子 道君撰

元始消除病癘跛痲靈書中篇

東方八天

聖應魁闡

牘嘉慶緣

昊赴微露

肅格中乾

教益彙遷

亦太真邈

逸珉匪類

奏通寶卓

意靈氣玄

道忱免宣

揚裔備法

濟生度孱

輔天響靈

廓濡企延

鑒資洞寂

壽斬納漠

南方八天

神飈散霞

梵極侷幽

無汚道夷

流淵離疇

猛牲投端

轉拳菟泉

冀瀛策思

鹹靜魔玄

九露叱落

奚祠精涓

含熙傳青

比生麗班

鴟牙公都

樞機總南

錠丹燄酢

溼婁毛鷄

西方八天

牝關玉停

勾旗愍蒸

黃婁躔奎

鬼井搖箕

鬱直滌澤

首莫那羅

合神仙度

無阿流刀

桓尤偁恒

道藏輯要

度人妙經

畜

亢集三

欽豈俄由

罔徹太匠

烏耿爭蚪

車盈茶宛

濟适岐釋

開韓斗師

救局魂堂

北方八天

魚曲玄梭

女瑱歧斗

栢麻初幾

正朕室酉

幕河鄙虛

紇陋根湊

坤纓脾籍

呼轉丹候

月神華玦

條飛察周

燕泊芒肫

狸延倏畫

覺晦並彌

混權空咄

古泰定長

阿爲上仙

道言此諸天中大梵隱語无量之音舊文以琅華珠光之毫書  
太極玄定天中紫館北星之上以氣下臨躔宿星尾之分救諸  
病癘跛痾報償惡業解除營纏詛訟冤負之氣使知德自施疾  
瘡消滅鳳跡龍紀之書字皆廣長一丈東華上相青童道君昔  
書其文以爲正音有知其音能齋而誦之者諸天皆遣飛霄騎  
吏下觀其身書其功勤上奏詣天萬神朝禮地祇侍門大勳天  
樞保舉上仙道備剋得遊行三界升入金門此音无所不辟无  
所不禳無所不度无所不成天真自然之音也故誦之致飛霄  
下觀上帝遙唱萬神朝禮三界侍軒羣妖束首鬼精自亡琳琅  
振響十方肅清河海靜默山嶽吞烟萬靈振伏招集羣仙天无  
氛穢地无祲塵冥慧洞清大量玄玄也

道藏輯要

度人妙經

壹

亢集三  
小文